

Aruba ta existi daño y perhuicio grandi di Exxon

ORANJESTAD(AAN)—Gobierno di Aruba ta existi di e concern americano Exxon, un daño y perhuicio di 250 million dollar en conexion cu ceramento di Lago. E suma ta entre otro pa desmantelacion di e refineria y daño causa na ambiente di Aruba.

Despues cu Lago a cera su porta tabata tin varios conversacion cu a ser teni entre representantenan di gobierno di Aruba y Exxon encuan to e asuntunan aki. Manera DIARIO a publica ayera, diarazon awor expertonan di Exxon lo ta na Aruba. E biaha aki pa haci bora-mentonan pa determina e daño cu por a

ser causa na ambiente. Encuan to bende-mento di e refineria ainda no tin nada concreto. Segun ta ser comenta, Exxon ta dificulta esaki y especialmente e su- basta cu a ser teni algun luna pasa ta per- tenece na esaki.

Durante e negociacionnan Exxon a tre- ce dilanti un posibel inversionista pa Aruba, cual ta un empresa quimico. Ta Trata aki di Hall Chemical Company, un empresa cu lo por inverti 110 million y ofrece trabao na 200 persona.

No ta conoci sin embargo si e empresa aki lo por ta interesa den tumamento over di un parti di refineria di Lago.

Hulanda ta duna yudanza na refineria di Curacao

ORANJESTAD(AAN)—Segun informa- cionnan ricibi for di Hulanda, gobierno Hulandes ta dispuesto pa financia entre- ganan pa modernizacion di e central di awa y electricidad di e refineria na Cura- cao. Gobierno hulandes lo kier subsidia tambe interes pa e entreganan aki.

Condicion ta cu e encargonan pa entre- ga y instalacion di piezanan pa e central- nan aki wordo haci na Hulanda.

Esaki ta resultado di conversacionnan

cu prome ministro Maria Liberia Peters a tene cu prome ministro Lubbers na Hu- landa. El a viaja pa Hulanda pa papia ari- ba financiamiento di instalacion nan di awa y electricidad cu ta pertenece na e refineria.

Gastonan pa modernizacion di e central aki cual ta necesario pa bon funciona- miento di e refineria ta ser calcula na 18 million dollar.

Santana catolico na Playa ta casi yen

No tin lugar pa coba graf

ORANJESTAD(AAN)— Ayera tardi tabata tin e comentario ta circula cu no tin lugar mas pa dera hende den santana catoli- co na Playa, y cu apenas tin buracan di kelder pa hinca caha di morto aden.

Ayera anochi DIARIO a papia cu Sr. Lulio We- ver di Agencia Funeraria

del Pueblo di esaki, y el a confirma cu den santana catolico na Playa no tin lugar mas pa coba graf.

Tin algun hokki cu ta ser usa como kelder ainda pero ademá di esakinan no tin lugar mas tampoco pa por traha mas di e kel- dernan aki.

El a duna di conoce cu

recientemente el a papia cu pastoor di Playa en- cuanto esaki, y cu el a ser bisa cu e unico cos cu lo por haci ta busca unda tin grafnan bieuw y traha kelder ariba esakinan, of e lo mester coba e graf- nan bieuw saca locual tin aden y usa esakinan di nobo.

Segun Sr. Wever den e conversacion cu DIARIO ariba e problematica aki, si gobierno no cuminda traha ariba e santana cen- tral priminti cu lo a bini na Sabana Basora, pronto lo no tin caminda mas pa dera hende na Playa.

E ta calcula cu di e espa- cionan cu tin ainda, den e santana catolico na Playa, esta e hokkinan cu tin ey- nan ainda, y keldernan cu mas bien ta keldernan di familia, pa fin di e aña aki, e santana lo ta com- pletamente yen y e ora ey lo mester mira unda lo dera hende.

Reina Beatrix a firma decreto real nombrando Filipito Tromp gobernador di Aruba

ORANJESTAD(AAN) Reina Beatrix ayera a firma e decreto real cu ta ratifica nombramento di Sr. Filipito Tromp co- mo gobernador pa Aruba entrante prome di januari 1986.

Ayera merdia Sr. Tromp

a ricibi un telegram di e ministro encarga cu asun- tonan Sr. De Koning den cual telegram Sr. Tromp ta ser poni na altura di su nombramento como go- bernador di Aruba y alavez ta manda felicitá Sr. Tromp cu e nombracion

Hulanda a bay di acuerdo pa financia central di awa y energia pa refineria na Curacao

ORANJESTAD(AAN)—Ayera durante e confe- rencia di prensa semanal di prome ministro Lub- bers di Hulanda, e prome ministro di Antillas, Sra. Maria Liberia Peters a duna di conoce cu e ta mira futuro di Antillas mas brillante awor, compara cu dos luna pasa, ora cu tur cos tabata indica cu e re- fineria na Curacao lo cera su portanan. El a laga sa cu e ayudo cu Hulanda lo duna ta lo maximo cu e por a logra, pero e ta haya sin embargo cu Hulanda por tabata mas royal.

Antillas ta haya e aña venidero un subsidio di in- teres di 2.5 porciento ariba fianzanan cu mester wordo cera pa financiamiento di modernizacion di e refineria. Segun Prome Ministro Lubbers, ta trata aki di un suma di algun million florin pa aña, cual suma lo sali for di e presupuesto di asuntunan Hu- landes Antillano. E esencia di e acuerdo ta, segun Lubbers, e garantia di 80 pa 90 porciento di parti di Hulanda pa financia e modernizacion di e re- fineria. E ayudo aki segun Lubbers, tabata necesario pa motibo cu e refineria no tabata ofrece ningun credibilidad. Segun Lubbers e ayudo aki ta encera cu si algo mester bay malo, ta Hulanda lo carga pagamento di e fianza.

Segun Sra. MARIA Liberia Peters, awor por termi- na algun cos chiquito cu mester yega na acuerdo ariba ainda pa e refineria por traha normal atrobe dia prome di october. Lo no aumenta e cantidad di Venezolanonan cu ta traha cu e refineria, 30 pa 40 cu tey caba y intencion ta cu e funcionnan aki lo ser tuma over door di antillanonan. Hulanda por entrega e aparaturanan necesario pa e refineria ariba termino corto.

Otro siman ta bini Antillas e ministro di asunto- nan economico van Aardenne pa papia encuan to ensancha actividadnan economico na Antillas.

Merca-Haiti-Canada y Brazil ta paisnan cu mas tanto caso di AIDS Den continente americano

ORANJESTAD(AAN)— Merca tin 11.497 caso Segun informacionnan cu registra y cu 5710 morto gobierno central a haya di Haiti ta sigui cu 377 caso World Health Organization 88 morto y 239 caso sos- relaciona cu malesa di pechoso, Brazil tin 262 ca- AIDS(SIDA), den e conti- nente americano, ta Merca caso registra 109 morto y 54 Haiti, Canada y Brazil ta e caso sospechoso y Canada 248 caso di cual 124 a mu- paisnan cu mas tanto caso. ri.

Gobierno a manda busca Despues di e paisnan aki informacion debi na e te- ta sigui cu 26 caso, 13 mor creciente na Antillas morto, Argentina, 24 caso ariba esaki. 8 morto di Mexico, 24 ca-

E temor ta sinta den e hecho cu no tin medicina 10 caso y 10 morto na pa combati e enfermedad Bermuda, mientras cu aki. E lista cu a ser manda Guadeloupe tin registra 9 pa gobierno ta di casorian caso, Guyana Frances 9 for di 1979 te cu luna di caso y 4 morto y 2 caso juni di e aña aki. Sigui lesa pag. 10